

Beinvegni!

Caras scolaras, cars scolars
Preziai geniturs

Nus sperein ch'ei mondi bein cun Vus e che Vus hagioes passentau in bi temps da stad. Igl onn da scola 23/24 stat avon porta e nus admettein a Vus in cordial beinvegni!

Cun quest scriver lein nus sedrizzar a Vus cun entginas informaziuns.

Novas personas d'instrucziun

Alla Scola Breil (SB) instrueschan da niev las suandontas personas d'instrucziun:

- Daniela Demarmels, persuna d'instrucziun dil fatg
- Flavia Bearth, persuna d'instrucziun dil fatg
- India Caduff, persuna d'instrucziun da classa
- Irina Pally, persuna d'instrucziun
- Lea Balett, persuna d'instrucziun dil fatg
- Rita Wolf, persuna d'instrucziun dil fatg
- Simona Albin, pedagoga curativa
- Annamarie Camiu, assistenza (pladida dalla Casa Depuoz)
- Iris Veraguth, assistenza (pladida dalla Casa Depuoz)
- Rita Maria Cathomas Caduff, assistenza (pladida dalla Casa Depuoz)

Emprem di da scola

- Ils survetschs divins han liug allas 08:00 a Danis, ed allas 10:45 a Breil.
- Affons che visetan buc il survetsch divin vegnan surveglai en scola d'ina persuna d'instrucziun. Per saver far diever dalla surveglanza basegna ei l'annunzia alla SB entras ils geniturs entochen il pli tard gievgia, ils 10-08-2023, via Klapp a "Administraziun Scolas Breil".
- Ils geniturs dils affons dalla 1. scoletta e dalla 1. classa primara astgan accumpagnar lur affons entochen pausa en stanza d'instrucziun.

KLAPP

- KLAPP, il canal da communicaziun denter la SB ed ils geniturs, ei vegnius introducius gl'onn da scola precedent ed ei secumprovaus, aschia che nus cuntinuein culla purschida.
- Per saver far diever da tuttas funcziuns da KLAPP basegna ei la registraziun davart ils geniturs. Nus envidein tuts geniturs dils novs scolars da seregistrar entochen il pli tard sonda, ils 12.08.2023.

Transports:

- Ils uraris da transport ein publicai sin nossa pagina d'internet scolasbreil.com.
- El decuors dils emprems gis da scola retscheiva mintga scolara e mintga scolar in abbonament gratuit pigl auto resp. pil bus da posta. Igl abbonament ei valeivels pils tschancuns enteifer la vischnaunca da Breil.

Uraris da classa

- Ils uraris da classa ein publicai sin [scolasbreil.com](https://www.scolasbreil.com). El decuors dallas davosas jamnas ha ei dau midadas vid ils uraris. Nus supplichein da prender enconuschientscha.

Meisa da miezgi

- Cun posta dils 15.06.2023 havein nus envidau Vus da s'annunziar per las structures dil gi. Quella annunzia cuntegn denter auter l'annunzia per la meisa da miezgi che vegn purschida era il 23/24 ella casa da scola Breil.
- **Adatg!** Cunquei che nus havein stuiu far midadas vid uraris da classa (5 - 9avla classa) aunc el decuors dallas davosas jamnas, supplichein nus ils geniturs dallas scolaras e dils scolars dallas classas pertuccadas da s'annunziar per mail (administraziun@scolasbreil.ch) ton pli spert el cass che Vus leis modificar Vossa annunzia muort las midadas.

Survigilanza en cass che l'instrucziun croda


- Vala durant il temps da bloc (Breil = 08:05 – 11:35, Danis = 07:55 – 11:25) per ils affons da scoletta e dil scalem primar.
- En cass che l'instrucziun havess da curdar (p. ex. per motivs da maldispostadad da personas d'instrucziun, conferenzas, e.a.v.) han ils geniturs la pusseviltad da schar survegilar lur affons durant il temps da bloc entras la SB.
- Giavischa ina famiglia ina tala survegilonza, ston ils geniturs annunziar via KLAPP a "Administraziun Scolas Breil" il basegn enteifer mes'ura suenter ch'il messadi dall'absenza ei vegnius tarmess. Per saver organisar la survegilonza tier eventualas annunzias drova la SB avunda temps da saver reagir.
- La SB tarmetta igl eventual messadi d'absenza d'ina pdi aschi baul sco pusseivel, vul dir u la sera avon ni la damaun marvegl.

Occurrenzas

- Tuttas occurrenzas gia enconuschentas e definidas ein publicadas el calender da KLAPP sco era el calender intern dalla pagina [scolasbreil.com](https://www.scolasbreil.com).
- Nus supplichein Vus da consultar regularmein il calender.

El num dalla Scola Breil giavischel jeu da cor ina buna entschatta dil niev onn da scola 23/24!

Cordials salids



Francestg Friberg, menader da scola